

OINARRI BEREZIAK

ERIZAINA

1. Deialdiko plazak.

Erizainen (A taldea, A2 titulazio-azpitaldea) hogeita sei (26) plaza lehiaketa-oposizio sistemaren bidez betetzeko deialdia egiten da. III. hizkuntza-eskakizuna dute ezarrita, eta honela banatuta dago deialdia:

- Barne-sustapen arrunteko txanda: hiru (3) plaza, derrigorrezko III. hizkuntza-eskakizuna dutenak, eta plaza bat (1) derrigorrezkoa ez den III. hizkuntza-eskakizuna duena.
- Desgaitasuna dutenentzako barne-sustapeneko txanda: plaza bat (1), derrigorrezkoa den III. hizkuntza-eskakizuna duena.
- Txanda askea: hemeretzi (19) plaza, derrigorrezko III. hizkuntza-eskakizuna dutenak, eta plaza bat (1) derrigorrezkoa ez den III. hizkuntza-eskakizuna duena.
- Desgaitasuna dutenentzako txanda askea: plaza bat (1), derrigorrezkoa ez den III. hizkuntza-eskakizuna duena.

Plazen deialdi honetan azaroaren 19ko 141/2013 Foru Dekretuaren 2. artikuluan aipatzen den generoaren eraginaren aurretiazko ebaluazioari buruzko txostena sartu da.

2. Titulazioa eta jatorriko plaza

Kontuan harturik zer ezartzen duten Enplegatu Publikoaren Oinarrizko Estatutuari buruzko Legearen testu bategina onesten duen 2015eko urriaren 30eko 5/2015 Legegintzako Errege Dekretuaren 76. artikulua zein hirugarren xedapen iragankorraren 1. zenbakiak eta Euskal Funtzio Publikoari buruzko 1989ko uztailaren 6ko 6/1989 Legearen 43. artikulua, hauxe da eskatzen den titulazioa: Erizaintzako diplomatura edo gradua, edo baliokideak, Hezkuntza eta Zientzia Ministerioak emandakoak.

Kontuan harturik zer ezartzen duen 2015eko urriaren 30eko 5/2015 LEdek bere 3. xedapen iragankorrean, barne-sustapeneko txandaren bidez parte hartu nahi dutenek, eskatutako titulazioa izateaz gain, lan-kontratudun langile finko izan beharko dute, –C1– azpitaldeko plaza batean edo –A2– taldeko plaza batean. Halaber, jatorriko plazan zerbitzuan bi (2) urte beteta izan beharko dituzte, GUFeko lan-kontratudun langile finko legez.



3. Ariketak.

3.1. Oposizio-fasea

Oposizio-faseak lau (4) ariketa izango ditu. Lehenengo biak (2) nahitaezkoak eta baztertzaileak izango dira. Hirugarrena psikoteknikoa izango da; derrigorrezkoa izango da, eta ez-baztertzailea; merezimendu gisa baloratuko da. Azkenik, laugarrena nahitaezkoa eta baztertzailea izango da derrigorrezko hizkuntza-eskakizuna duten plazetarako, eta borondatezkoa eta ez-baztertzailea, aldiz, gainerako plazetarako.

3.1.1. Lehenengo ariketa.

Teorikoa izango da: 90 galderako test bat egin beharko da (gehi erreserbako 10 galdera), 180 minutuan. Lau erantzun eskainiko dira galderetan, baina haietariko bat bakarrik izango da zuzena. Ariketa eranskinetako gai guztiei buruzkoa izango da.

Barne-sustapeneko txandako hautagaiek lehenago eskatu zitzaizkien ezagutzak berriro egiazta ez ditzaten, hautagai horiek ez dituzte erantzun beharko gaien zerrendako I. zatia buruzko galderak, eta, ondorioz, proportzionalki murriztuko zaie ariketa egiteko denbora: 150 minutu izango dituzte galderak erantzuteko.

3.1.2. Bigarren ariketa.

Praktikoa izango da: idatziz, 45 galderako test bat egin beharko da (gehi erreserbako 5 galdera), 90 minutuan. Zenbait erantzun eskainiko dira galderetan, baina haietariko bat bakarrik izango da zuzena. Oker erantzundako galdera bakoitzeko 0,15 puntu kenduko da. Ariketa hau gai-zerrendako III. eta IV. zatiei buruzkoa izango da.

3.1.3. Hirugarren ariketa.

Proba psikotekniko bat izango da, nahitaezkoa. Test bat erantzun beharko da, eta osotasunean hartuta ebaluatuko da. Gehieneko puntuazioa zortzi (8) izango da. Probak haztatu ahal diren alderdi hauei buruzko galderak izango ditu:

- Batetik, nortasun-ezaugarri nagusiak eta plaza edo lanpostuaren berezko eginkizunak betetzeko egokitasuna aztertuko dira. Besteak beste, faktore hauek aztertuko dira: oreka emozionala, zerbitzu publikorako joera eta estresari aurre egiteko erresistentzia.
- Eta, bestetik, hautagaiek lanpostua betetzeko dituzten jarrerak eta gaitasunak aztertuko dira.

Edonola ere, ez da epaimahai kalifikatzailearen eskumena izango, eta horretarako gaituta dauden profesionalak prestatuko dute, Foru Erakundeak Herri Arduralaritzaren Euskal Erakundearekin xede horretarako formalizatuko duten lankidetzaren bidez.



3.1.4. Laugarren ariketa.

Derrigorrezko III. hizkuntza-eskakizuna, nahitaezkoa eta baztertzailea, ezarrita duten lanpostuei lotutako plazetara aurkezten diren hautagaiek maila horretako euskararen ezagutza frogatu eta egiaztatu beharko dute.

Derrigorrezkoa ez den III. hizkuntza-eskakizuna, borondatezkoa eta ez-baztertzailea, ezarrita duten lanpostuei lotutako plazetara aurkezten diren hautagaiek maila horretako euskararen ezagutza frogatu eta egiaztatu beharko dute, hala badagokio.

GUFEn edo Bizkaiko Foru Aldundian hizkuntza-eskakizunen bat egiaztatuta dutenek ez dute berriro halakorik egiaztatu behar parte hartzen ari diren hautaketa-prozesuan, ez eta Euskara Tituluen eta Ziurtagirien Erregistro Bateratuan eskakizuna egiaztaturik ageri direnek ere. Azken kasu horretan, parte-hartzaileak berariazko baimena emango dio Bizkaiko Foru Aldundiari, erregistro horretan egiaztapena egin dezan.

Hala eta guztiz ere, euskararen egiaztagiria edo titulua aurkeztu beharko dute baldin eta erregistro horretan ez dagoen arren 2010eko azaroaren 9ko 297/2010 Dekretuarekin bat baliozkotuta badago; dekretu horren bitartez, euskararen jakite-maila egiaztatzen duten tituluak eta ziurtagiriak baliokidetu eta Hizkuntzen Europako Erreferentzia Marko Bateratuko mailekin parekatzen dira.

Euskaraz egindako ikasketa ofizialak aintzat hartzeko eta euskara-maila hizkuntza-tituluen eta ziurtagirien bidez egiaztatzen salbuesteko 2012ko apirilaren 3ko 47/2012 Dekretuaren babespean hizkuntza-eskakizunak egiaztatu nahi dituztenek ikasketen ziurtagiriak aurkeztu beharko dituzte.

3.2. Lehiaketa

Lehiaketan, oposizioa gainditu duten hautagaiek aurkeztu eta egiaztatutako merezimenduak aztertu eta balioztatuko dira. Horretarako, hautagai bakoitzari merezimenduen baremoaren arabera dagozkion puntuak emango zaizkio.

Eskaera-orrian aipatutako merezimenduak egiaztatzeko dokumentazioa epaimahaiak, oposizio-faseko ariketa guztien kalifikazioa argitaratzeko, ateratzen duen iragarkian ezarritako epean aurkeztu beharko da.

4. Hautaketa-prozesuaren kalifikazioa

4.1. Lehiaketa-fasea

Merezimenduen baremoaren arabera emango dira puntuak, eta puntu horien batura izango da lehiaketa-fasearen kalifikazioa.



4.2. Oposizio-fasea

Lehenengo eta bigarren ariketei zero (0) eta hamar (10) puntu bitarteko kalifikazioa emango zaie, eta haietariko bakoitzean bost (5) puntu lortu ez dituzten hautagaiak berez geratuko dira baztertuta.

Hirugarren ariketari zero (0) eta zortzi (8) puntu bitarteko kalifikazioa emango zaio, eta ez da baztertua izango.

Laugarren ariketan, euskarari buruzkoan, «gai» edo «ez gai» kalifikazioa emango zaie derrigorrezko hizkuntza-eskakizuna duten plazak lortu nahi dituztenei.

Gainerako kasuetan, honako banaketa honen arabera kalifikazioa emango da, egiaztatutako maila kontuan hartuta:

- I. hizkuntza-eskakizuna: 3 puntu.
- II. hizkuntza-eskakizuna: 4,5 puntu.
- III. hizkuntz eskakizuna: 7 puntu.

Hautagai bakoitzaren kalifikazioa Bizkaiko Foru Aldundiaren iragarki-oholean eta GUFEn web-orrian argitaratuko da, lortutako gainerako kalifikazioekin batera.

4.3. Amaiera

Hautagaien azken kalifikazioa hautaketa-prozesu osoan lortutako puntu guztien batura izango da.

I. ERANSKINA

MEREZIMENDUEN BAREMOA

1. Administrazio Publikoan erizain plaza batean (A taldea, A-2 titulazio-azpitaldea) egindako zerbitzuak, edozein harreman juridikoren menpean, salbu eta zerbitzu zibil edo merkataritzakoen errentamendu-kontratu bidezkoetan: 0,065 puntu hileko edo hilaren zatiki bakoitzeko, gehienez 11,00 puntu. Edozein kasutan, zerbitzua modu partzialean edo lanaldi murriztuan eman den aldi guztiak lanaldi osotzat hartuko dira.

2. Administrazio publikoetan, Administrazio Publikoko eskoletan (IVAP, INAP, IEAP edo administrazioeko beste eskola batzuk), nortasun juridiko publikoa duten zentro ofizialetan eta unibertsitate publiko zein pribatuetan gaiekin zuzen-zuzenean zerikusia duten prestakuntza-ikastaroetan emandako edota jasotako ordu-kopurua, baldin eta ikastarook baldintza legez ez badute plazan sartzeko eskatzen dena baino goragoko prestakuntza edo titulazioa izatea: 0,05 puntu hartutako ordu bakoitzeko eta 0,025 emandako ordu bakoitzeko; gehienez: 6.50 puntu.

Atal bakoitzean lortutako puntuen batuketa eginda, lehiaketa-fasean, guztira, 17,50 puntu lortu ahal izango dira, gehienez.



II. ERANSKINA

ERIZAIN LANPOSTURAKO GAI-ZERRENDA

I. ZATIA

ZUZENBIDE PUBLIKOA: ZATI OROKORRA

1. *gaia*- Espainiako 1978ko Konstituzioa: Oinarrizko eskubideak. Herritarren eskubideak eta eginbeharrak. Politika sozial eta ekonomikoaren gida-oinarriak.
2. *gaia*- Euskal Herriaren Autonomia Estatutua. Euskal Autonomia Erkidegoaren eskumenak. Euskal Autonomia Erkidegoaren botereak. Eusko Legebiltzarra. Lehendakaria. Eusko Jaurlaritza. Ogasuna eta ondarea.
3. *gaia*- 27/1983 Legea, azaroaren 25ekoa, Autonomia-Elkarte Osorako Erakundeen eta bertako Kondaira-Lurraldeetako Foruzko Ihardutze-Erakundeen arteko Harremani buruzkoa: Autonomia-elkarte osorako erakundeen eta bertako foruzko ihardutze-erakundeen agintepideak.
4. *gaia*- 3/1987 Foru Araua, otsailaren 13koa, Bizkaiko Kondaira Lurraldeko foru erakundeen hautapen, antolaketa, erregimen eta funtzionamenduari buruzkoa. Foru Aldundia. Batzar Nagusien eta Foru Aldundiaren arteko harremanak.
5. *gaia*- 4/2001 Foru Araua, maiatzaren 30ekoa, Gizarte Urgazpenerako Foru Erakundearen estatutuak aldarazteari buruzkoa.
6. *gaia*- Zuzenbide Publikoaren iturriak. Legea: kontzeptua eta motak. Lege-indarra duten arau-xedapenak. Erregelamendua: kontzeptua, izaera eta motak. Erregelamenduak egiteko ahalaren titulartasuna. Foru erakundeek emandako arau-xedapenak.
7. *gaia*- Administrazio-prozedurei buruzko xedapen orokorrak eta prozedura bakoitzaren arau erregulatzailak. Prozedurako interesdun motak. Administrazioen eskubideak.
8. *gaia*- Administrazio-antolaketa. Administrazio-antolaketaren printzipioak. Antolaketa ahala. Administrazio-organoak. Kontzeptua eta motak. Kide anitzeko organoei buruzko azterketa berezia.
9. *gaia*- Administrazioaren zerbitzura dauden lan-kontratudun langileen araubidea.



II. ZATIA

ZUZENBIDE PUBLIKOA: ZATI BEREZIA

10. *gaia*- 12/2008 Legea, abenduaren 5ekoa, Gizarte Zerbitzuei buruzkoa. I. TITULUA: Xedapen orokorrak. II. TITULUA: Prestazioak eta zerbitzuak, funtzioen eta lurraldearen antolamendua, eta plangintza Gizarte Zerbitzuen Euskal Sistematan.
11. *gaia*- 39/2006 Legea, abenduaren 14koa, Autonomia pertsonala sustatzeari eta mendetasun-egoeran dauden pertsonak zaintzeari buruzkoa.
12. *gaia*- Egoitza-arretako zentroko pertsonarengan oinarritutako arreta osoa emateko eredia.
13. *gaia*- 41/1998 Dekretua, martxoaren 10ekoa, adintsuentzako etxeetako gizarte zerbitzuei buruzkoa, eta gerora izan dituen aldaketak: 125/2005 Dekretua, maiatzaren 31koa, adintsuentzako etxeetako gizarte zerbitzuei buruzko dekretua aldatzen duena, eta Eusko Jurlaritzaren 195/2006 Dekretua, a, zeina maiatzaren 31ko 125/2005 Dekretua, urriaren 10ekoa, adintsuentzako etxeetako gizarte-zerbitzuei buruzko dekretua bigarren aldiz aldatzen duena.
14. *gaia*- Bizkaiko Foru Aldundiaren 138/2006 Foru Dekretua, abuztuaren 23koa, besteren laguntza behar duten adinekoentzako egoitzen foru sareko zentrozen barne erregimeneko araudiaren eredia onesten duena.
15. *gaia*- Eusko Jurlaritzaren 40/1998 Dekretua, martxoaren 10ekoa, Euskal Autonomia Erkidegoko gizarte zerbitzuen baimena, erregistroa, homologazioa eta ikuskapena arautzeko dena.
16. *gaia*- Bizkaiko Foru Aldundiaren 17/2014 Foru Dekretua, otsailaren 25ekoa; honen bidez, mendetasuna duten pertsonentzako egoitzen foru zerbitzu publikoan sartzeko araubidea eta zerbitzu hori egonaldi iraunkorrean emateko baldintzak arautzen dira.
17. *gaia*- Bizkaiko Foru Aldundiaren 103/2012 Foru Dekretua, ekainaren 5ekoa. Honen bidez, Bizkaiko Lurralde Historikoan mendetasuna duten pertsonentzako egoitzen foru sareko egoitza-unitate soziosanitarioetara sartzeko araubidea ezartzen da.
18. *gaia*- 64/2004 Dekretua, apirilaren 6koa, zeinaren bidez onartu baita Euskal Autonomia Erkidegoko gizarte zerbitzuen erabiltzaileen eta profesionalen eskubide eta betebeharren gutuna, eta iradokizunen eta kexen araubidea (EHAA, 76. zk., 2004/04/23koa).



19. *gaia*- 4/2005 Legea, otsailaren 18koa, Emakumeen eta Gizonen berdintasunerakoa: Atariko titulua, I. titulua: Eskumenak, eginkizunak, antolaketa eta finantzaketa; II. titulua: Euskal herri administrazioen eta aginteen jarduketan genero ikuspegia integratzeko neurriak; III. titulua, VII. kapitulua: Emakumeen aurkako indarkeria.
20. *gaia*- GUFeko Erabiltzaileari Laguntzeko Unitatea (GUFeren Gobernu Batzordearen 2005/04/28ko erabakia).

III. ZATIA

ERIZAINZA (I)

21. *gaia*- Egoitza-arretako zentroko esku-hartze plan indibidualizatua.
22. *gaia*- Erizaintzako kode deontologikoa – CIE/ENK. Sekretu profesionala. 15/1999 Lege Organikoa, abenduaren 13koa, Izaera Pertsonaleko Datuak Babesteari buruzkoa.
23. *gaia*- Esparru kontzeptuala eta erizaintza ereduak. Erizaintzako profesionalaren eskumenak.
24. *gaia*- Erizaintzako arreta-prozesua.
25. *gaia*- Erizaintzako zainketen etika eta balioak. Bioetikaren printzipioak.
26. *gaia*- Diziplina anitzeko lana. Erizaintzako profesionalaren zeregina taldearen barruan.
27. *gaia*- Arretaren kalitatea, kalitatea erizaintzan.
28. *gaia*- Geriatria eta gerontologia. Kontzeptuak, eremuak eta garapena.
29. *gaia*- Zahartze-prozesua. Zahartzeari buruzko teoriak: biologikoak, psikologikoak eta sozialak. Biztanleriaren zahartzea eta ondorioak.
30. *gaia*- Erizainaren lanaren ezaugarriak adinekoak zaintzean. Adineko osasuntsua. Erizaintzako zainketak.
31. *gaia*- Erizainaren ebaluazioa, zahartzeak berez dakartzan aldaketek adinekoaren beharrianak asetzeko duten eragina, Virginia Hendersonen erizaintza ereduaren arabera. Independentzia-zeinuak. Mendekotasun-zeinuak.
32. *gaia*- Erizainaren ebaluazioa. NANDA diagnostikoak, adinekoaren eta desgaitasun intelektuala duen pertsonaren beharrian guztien asetze-mailarekin zerikusia dutenak.



33. *gaia*- Erizainaren ebaluazioa. Zainketen plana, egon daitezkeen erizaintzako esku-hartzeak (NIC), adinekoaren eta desgaitasun intelektuala duen pertsonaren beharrianekin zerikusia dutenak.
34. *gaia*- Erizainaren ebaluazioa. Helburuak (espero diren emaitzak). Erizaintzan lor daitezkeen emaitzen sailkapena (NOC); adinekoaren eta desgaitasun intelektuala duen pertsonaren beharrianekin zerikusia duten emaitzena, hain zuzen.
35. *gaia*- Erizainaren ebaluazioa eta zainketak, sistema muskulu eskeletikoan alterazioren bat duten adinekoei dagokienez. Patologia ohikoenak. Osteoporosia, artrosia eta artritis erreumatoidea. Hausturak. Aldakako eta/edo belauneko protesia duen pertsona mugitzea.
36. *gaia*- Erizainaren ebaluazioa eta zainketak, funtzio kardiobaskularrean alterazioren bat duten adinekoei dagokienez. Bihotzeko patologia eta gaixotasun baskular periferiko ohikoenak. HTA/AHT, bihotzeko patologia, bihotzeko arritmiak, sindrome koronario akutua, tronbosi benoso sakona, gorputz-adarretako iskemia kronikoa.
37. *gaia*- Erizainaren ebaluazioa eta zainketak, arnasketa funtzioan alterazioren bat duten adinekoei dagokienez. Patologia ohikoenak. Arnas gutxiegitasun akutua, buxadurazko arnas gaixotasun kronikoa, infekzio-prozesuak, pneumonia.
38. *gaia*- Erizainaren ebaluazioa eta zainketak, sistema gastrointestinallean alterazioren bat duten adinekoei dagokienez. Patologia ohikoenak. Gastroenteritisa, hantura-prozesuak, heste-buxadura, pankreatitisa. Nutrizioaren alterazioa.
39. *gaia*- Erizainaren ebaluazioa eta zainketak, sistema endokrinoan eta metabolikoan alterazioren bat duten adinekoei dagokienez. Patologia ohikoenak. Diabetesa, hipotiroidismoa eta hipertiroidismoa.
40. *gaia*- Erizainaren ebaluazioa eta zainketak, nerbio-sisteman alterazioren bat duten adinekoei dagokienez. Zentzumen-alterazioak. Patologia ohikoenak. ACV/GHI, Alzheimer-en gaixotasuna, epilepsia, ELA/AEA, Parkinson gaitza.
41. *gaia*- Erizainaren ebaluazioa eta zainketak, sistema genitourinarioan alterazioren bat duten adinekoei dagokienez. Patologia ohikoenak. Gernu-infekzioak, gernu-erretentzio akutua, giltzurrun-gutxiegitasun akutua eta kronikoa.
42. *gaia*- Erizainaren ebaluazioa eta zainketak, buru-nahasmenduak dituzten adinekoei dagokienez. Prozesu arruntenak. Eskizofrenia eta beste nahasmendu psikotiko batzuk, antsietatea, gogo-aldartearen nahasmenduak, depresioa.



IV. ZATIA

ERIZAINZA (II)

43. *gaia*- Sindrome geriatriko ohikoenak: mugiezintasuna, inkontinentzia, nahasmendu akutua, insomnioa, bakartzea eta deserrotze soziala. Ebaluazioa. Prebentzioa. Erizainaren zainketak.
44. *gaia*- Presio-ultzerak eta ultzera baskularrak. Etiologia. Sailkapena. Ebaluazioa. Prebentzioa. Erizainaren zainketak. Presio-ultzerak daudenean jarduteko protokoloa.
45. *gaia*- Adinekoaren medikazioa. Aldaketa farmakozinetikoak Adinekoaren medikazio-arazoak. Efektu kaltegarriak. Medikazioaren arloko jarduera terapeutikorako eta kudeaketarako protokoloa.
46. *gaia*- Erizainaren zainketak gaixo terminalekin. Arazo nagusiak. Mina. Zainketa aringarriak. Bizitzaren amaieran dauden gaixoekin jarduteko protokoloa.
47. *gaia*- Heriotza adineko pertsonarengan: nola bizi duen, dolua. Zaintzaile nagusiari eta familiari eman beharreko laguntza. Heriotzaren aurreko protokoloa.
48. *gaia*- Adineko pertsonak eta desgaitasun intelektuala duenak bizi dituzten egoera berezi hauen aurrean eraginkortasunez jardutea: erorketak, harat-honat ibiltzea, mugak, bizikidetzarazoak, oldarkortasuna. Zaintzailearen eta mendekotasuna duen pertsonaren arteko harremanak eta tratu txarren prebentzioa. Prebentzio eta tratamendurako protokoloa: erorketak, agitazio psikomotorra, muga fisikoak, muga farmakologikoak eta tratu txarrak.
49. *gaia*- Desgaitasun intelektuala duten pertsonak. Definizioa, sailkapena, arazoaren eragina eta esanahia. Etiologia.
50. *gaia*- Desgaitasun intelektuala duten pertsonen buru-nahasmenduak izateko duten arriskua.
51. *gaia*- Familiaren lana; familiaren harremana gizarte-zerbitzuekin. Familiei etengabeko arreta emateko protokoloa.
52. *gaia*- Adinekoen eta desgaitasun intelektual duten pertsonen autonomia ebaluatzeko eskala erabilienak. Arreta eskaintzeko banakako plana (PAI) egiteko nahitaez erabili behar diren eskalak.



53. *gaia*- Elikadura eta nutrizioa hirugarren adinean: Nutrizio-beharrak eta kaloriarik gabeko elikagaien beharrak. Funts-gaien beharrak. Behar hidrikoak eta bitamina-beharrak. Mineral-beharrak. Nutrizio eta hidrataziorako protokoloa.
54. *gaia*- Loaldia eta haren nahasmenduak: Zahartzaroko aldaketa fisiologikoak. Zahartu ahala agertzen diren nahasmenduak. Insonmioaren arrazoiak. Terapia farmakologikoa.
55. *gaia*- Ariketa fisikoa eta zahartzea: Kontzeptua. Ariketa fisikoak adinekoarengan dituen ondorioak. Ariketa fisikoaren egokiespenak. Ariketa fisikoaren kontraindikazioak.
56. *gaia*- Hipertentsio arteriala: TAREN aldaketa adinaren ondorioz. HTA/AHTk hirugarren adinean duen eragina. HTA/AHTren etiologia geriatrian. Prebentzioa eta erizaintzako kontrola.
57. *gaia*- Adinekoaren ahoko patologia: Hortzen zahartze-prozesua. Aho-mukosa: adinaren ondoriozko aldaketak. Listu-guruinetan listu-jarioan gertatzen diren aldaketak. Adinekoaren hortz-zainketa.
58. *gaia*- Elikagai bidezko toxiinfekzio ez-bakterianoak. Elikadura-intoxikazio ez-bakterianoak. Enterotoxina estafilokozikoak eragindako intoxikazioak. Infekzio birikoak. Elikadura-intoxikazioen profilaxi orokorra.
59. *gaia*- Lan-osasuna. Ergonomia: osasun arloan kargak manipulatzeko jarraibideak. Lanaren eta osasunaren arteko harremana.
60. *gaia*- 31/1995 Legea, azaroaren 8koa, Lan-arriskuen Prebentzioari buruzkoa: I. KAPITULUA. Xedea, aplikazio-esparrua eta definizioak. II. KAPITULUA. Arriskuen prebentzio-arloko politika, laneko segurtasuna eta osasuna babesteko. III. KAPITULUA. Eskubideak eta betebeharrak.

Oharra.— *Ematen den BIBLIOGRAFIA informaziorako besterik ez da; beraz, hautaketa-prozesu honetako hautagaien erantzukizuna da emandako araudia behar bezala egokitzea.*